

Ezpalak

JON TORNER

Musikaren industriak laguntza eskatu die instituzioei



MIRANDABROOKE.BUZZNET.COM

MUSIKAREN sektoreko 50 bat enpresek Euskal Herriko Musika Industriaren Plataforma (EHMIP) aurkeztu dute. Tartean dira hainbat grabazio estudio, sustatzaile, soinu eta argi teknikari, areto

eta diskoetxe. Plataformako kideek *Zure musika, gure lanbidea* manifestuan bildu dituzte euren hausnarketa eta eskaerak. Musikaren industria “kolokan” dagoela diote, krisiak sektorea gogor kolpatu duela. Hala, instituzioei eskatu diete laguntza emateko. “Nola liteke beste sektore batzuk suspertzeko laguntzak onartzea eta musikan ezer ez egitea?”, adierazi du Igor Otxoa EHMIPeko bozeramaileak. Plataforma osatzen duten kideetako batzuk: Abar Produzioak, Kultura Live, Euprel, Baga Biga, Balea Musika Ideiak, Discos Suicidas, Hilargi Records, Kap Produzioak, Lur Soinuak, Serrano Produzioak, Radiation Soinuak eta Shot Grabazioak.

dFeria aurten ere egingo da

KRISIAREN ONDORIOZ, aurten ez zela dFeria antzerki eta dantza azoka egingo esan zuen urtarrilean Donostia Kulturak. Sektoreko eragileekin bildu ostean, ordea, egitasmoarekin aurrera jarraitzea erabaki dute. Emanaldi gutxiago izango dira, hori bai, euskal taldeenak guztiak. Egitaraua osatuko duten hamabi ikuskizunen zerrenda aurrerago jakinaraziko dute. Ekainaren amaiera aldera egingo da dFeria “trantsiziozko” edizioa.

Ugarte

Nekazalturismoa

Bebailara,
20159 ASTEASU
Tel.: 943 69 27 22 / 657 72 53 21
e-posta: legarrayolan@yahoo.es
www.nekatur.net/ugarte

Kaotiko punk talde arabarrak seigarren diskoa plazaratu du: *Reacciona!* (Baga-Biga). Martxoaren 6an Donostiako Doka antzokian aurkeztuko du lan berria, 20an Gasteizko Jimmy Jazz aretoan eta Apirilaren 8an Bilboko Kafe Antzokian.

Hika Teatroa konpainiaren *Aitarekin bidaiari* antzezlanak jasoko du Euskararen Udal Patronatuak eta Donostia Kulturak ematen duten Donostia saria. Iaz estreinatu eta



Gipuzkoako hiriburuan ikusteko parada izan zen euskarazko obra onenari eman diote saria. Alzheimerra duen gizonaren (Jose Ramon Soroiz) eta haren semearen (Joseba Apaolaza) arteko harremana jaso du istorioak, Jabier Muguruzaren zuzeneko musikarekin. Martxoaren 27an jasoko dute Donostia saria, Antzerkiaren Nazioarteko Egunean, Victoria Eugenia antzokian.

Jose Antonio Agirre EAEko aurreneko lehendakariaren heriotzaren 50. urteurrenean, Sabino Arana Fundazioak www.lehendakariagirre.eu webgunea jarri du abian. Haren testu, argazki, film eta audioak sare-ratu ditu, orotara 1.000 dokumentutik gora.

Irati Goikoetxearen *Trena handik datorrenean* (Narratiba) eta Nerea Beldarrainen *Abernuak: hutsaren oroitzapenak* (Poesia) lanek irabazi dute Iparragirre saria, euskarazko atalean.

• **Aingeru Epaltza idazleak Euskonews & Media agerkari digitalean:** «Noizbait idatzi nuen zein izan den luzaz nire eta nire inguruko zenbaiten sentipena: ‘Nafarren artean euskaldunegia, eta euskaldunen artean nafarregia’. Esaldiaren azken atala apaltzen hasia zen azken urteetan –areagotu, berriz, lehenbizikoa– eta hara non berriz sumatzen hasi naizen lehen-go sentipen deseroso bera. ‘Lopez efektua’, nonbait. (...) Zertaz idatzi ez zaigu faltako [2020an], ez baitut miraririk espero gure paisaia mindu eta nekatuan. Zaharragoak izanen gara eta leporainoago egonen gara gure kontu triste guztiez, baina aldatu, ez diot nik deus aldatzeko itxurarik ikusten. Non ez den gazte belaunaldi bat etortzen eta gu guztiak –idazleak, kazetariak, politikoak, musikariak, terroristak, historialariak, euskararen militanteak...– zartako batez erretirarazten, oihuka egiten digutela: ‘Segi hemendik, kalamidadeak!’ Horretan da nire esperantza apurra».



Honelako albisteak egunero irakurtzeko, jaso hari@DOAN e-postaz: www.argia.com/harpidetza_haria.php

Abarrak

MIKEL ASURMENDI

Neguko poesia

ZEHARBIDETAN heldu ziren Hendaiara Jose Angel Irigaray poeta eta Bixente Martinez musikaria, Neguko poesia emanaldiaren kariaz heldu ere. Akelarrek aterbeturik, poesia doinuaz lagunduriko zehar-esana dela adierazi ziguten eleen sorgintzaileok. Hitzaren gezurrean egia aurki dezakegula gaztigatu zigun poetak. Egiak hegieta eraikiak direla, hegieta amiltzeko zorian iraungitzen direla.



Egun batzuk lehenago Koldo Izagirre poeta heldu zen Bidasoara. Trena galdu zuen nonbait berari begira zegoela eta poeta hau ere zeharbidetan heldu zen. “Emakumeak trena hartu zueneko” hitzaldia eskaini zigun Irungo Kabigorriko lagunaren eskutik. Emakumea behiala jokatu zuen bestelako harreman mota bat eskatzen ari dela, emakumeak poesiaren trena hartu zuela erran zigun, gizonezkoa dela orain trenaren zain dagoena. Egungo iraultza bakarraren trena non abiatu zen xehe-xehe kontatu zigun. Rolak aldatuz doaz, emakumea ibili badabil, gizona geldirik dago.



Aste bat geroago heldu zen Kabigorriara Andoni Salameiro, zeharbidetan, Koldo Cadierno musikariarekin batera. Zumarragatik heldu ziren, trenez, horra paradoxa. Poesia bizitzeko modua da Salameirorena. Poesia idazten du, poesia erreztatzen du, baita poeta gisa bizi ere. Urruñako Tikia ta Handia txalapartariekin “Hitz bidean ttakunka” emanaldia eskaini zigun. Salameirorentzat dena da misterioa. Misterio horrekin harriturik bizi da. Misterio jainkoa izaki, traszendentzia.

Martxoa heldu da. Negua berarekin joanen da. Krisi ekonomikoa gelditzeko heldu da, ordea. Hitzaz ez da krisian halere. Munduan ez ei dago gure poeten eleak beste musikatzuten dituzten kantariak. Gerlariak Neguko koarteletara erretiratzeko bidean dauden garai honetan, poesia ez da izoztu gurean. Theodor Adorno filosofoak Auschwitzeko genozidioaz esan zuena hobeto interpretatzeko garaiz gaude oraindik ere. Poesia bakar batzuen hitz kontua da, bistan da. Sare birtualaren bidezko harremana baino ehundegi pertsonalagoa iruteko balio –ahal– du alajaina. ■



Vitoria-Gasteiz

Gasteizen euskarazko
hauek ez galdu:

BEÑAT ETXEPARE ANTZOKIA

Denboraren museoa
familiarentzako antzerkia
Tantlaka. Albena Teatre
Martxoak 27, 28, 12:00, 17:30

EGINGO AL DUGU...?

Aek-ren eskutik

- Zortzi begi antzerki-lana. Giltzikarro.
Martxoak 11, 19:00, Falerina
- Irudimena ezuslean hitzaldia
Fernando Morillo
Martxoak 16, 19:00, Amaia zentroa
- Akatu, Sixty sexes kontzertua
Martxoak 18, 21:00, Gaztelxea
- Gari - 16 lore kontzertua
Martxoak 27, 21:00, Jimmy Jazz aretoa

GOZATU EUSKARAZ LIBURUTEGIETANI

Gonbil-txartelak astelebe lehenago
ekintza egingo den liburutegian

- Jakin eta jolas: Antzokiko istorioak
Martxoak 7, 18:00, Ibaiondoko gizarte etxea.
- Txilxin magikoa.
5 urteko gorako haurrentzat
Magia ikuskizuna. Asier Kidame
Martxoak 24, 18:00, Aranako gizarte etxea
- Auroila beti palila
3 urteko 5era bitarteko haurrentzat
Lur Korla. Ipuin kontalaria
Martxoak 24, 18:00, Pileareko gizarte etxea
- Hatz txatxongiloak
5 urteko 9ra bitarteko haurrentzat
Iñaki Carretero. Lantegia
Martxoak 25, 18:30, Lakuako gizarte etxea
- Eo, hemen nagol
5 urteko 9ra bitarteko haurrentzat
Oihukari Klow. Ipuinak musikarekin
Martxoak 25, 18:00, Hegoalde gizarte etxea

ARTIUM MUSEOA

Aterako hitzak
Gerardo Markuleta
Martxoak 17, 20:00
Emanaldi aretoa. Sarrera doan

IBAIONDOKO GIZARTE ETXEA, ATEAK ZABALIK

Gizarte etxe berrian, martxoak aurrera
hainbat ikastaro euskaraz heldu zein haurrentzat:
euskar dantzak, marrazketa eta pintura,
zeramika, papiroflexia, argazkigintza...
Argibideak gizarte etxean berian.

ETORRI ETA GOZATU GUREKINI!



Ayuntamiento
de Vitoria-Gasteiz
Vitoria-Gasteizko
Udala